

ունի՝ զիս ընդունի. և որ զիս ընդունի՝ զառաքելն իմ՝ ընդունի» : Ոչ ոք այսուհետեւ իշխեսցէ տիրել ի վերայ ձեր, ոչ եպիսկոպոս և ոչ վարդապետ, բաց ի Նիկօլէն. այլ ամենեքեան դմա հնազանդ լիցին. ամենեքեան իբր զմի ի միջի ձերում. զոր դա ընդունի և մեք ընդունիմք. և զոր դա արտաքսէ և ի բաց մերժէ՝ և մեք հաւանիմք. զոր դա աւրհնէ՝ աւրհնեալ լիցի, և զոր դա կապէ և արձակէ երկրաւոր և երկնաւոր բանալեօք, կապեալ և արձակեալ եղիցի. ամէն : Տէրն տերանց հովանացի ի ձեզ և ամենայն ողորականաց և բարեկամաց ձերոց, լինիլ անօթ ընտրութեան և տաճար բնակութեան անմահին :

Գրեցաւ սիրոյ և աւրհնութեան նամակս՝ հազար հարիւր քսան թուին Հայկազեան տոհմի, և յամսեանն օգոստոսի քսան և ութերորդում աւուր, ի Կոստանդինուպօլիս մայրաքաղաքի և արքայարանի. ընդ հովանեաւ Սուրբ Աստուածամօր Կուսի և քրիստոսարնակ տաճարի :

ՔՐԻՍՏՈՍԻ ԾԱՌԱՅ ՅԱԿՈԲ ԿԱԹՈՂԻԿՈՍ ՁԵՌԱՄԲ ԻՄՈՎ ԳՐԵՑԻ ԱՌ Ի ՀԱՍՏԱՏՈՒԹԻՒՆ ԹՂԹՈՑՍ :